

PIMPLATY

- a) něchtó, kiž pimple zběra
- b) něchtó, kiž za wšitko dołho trjeba
- c) něchtó, kiž je maličkostny, čućiwy

Prawa je wotmołwa c.

Pimplaty sy, jeli sy njesměrnje čućiwy a łoskoćiwy, jeli je ći spěšnje wšitko přewjele/přewóťře/ přenapinace. Je to tróšku wothódnoćace wuprajenje.

Takle móžeš to tež prajić

skiwlaty, žalosćaty, winčaty, pimpula (być)

Příklady z rěčneho korpusa

„Kak by nam wšojedne było?“ Wón so mjerzaše. „Tola“, praji wona tróckawa. „Njewjeseliš so na džěčo?“ „Ju.“ „Kak móžeš potom přeco tak *pimplata* być?“ „Kak ty rěčiš?“, zadžiwa so wona. (Marja Młynkowa, Zhromadźene spisy 2. Dny w dalinje, Budyšin 1994)

Pawoł woprawdže *pimplaty* njebě, ale přez tutu brutalnu jednozmyslnosć so z hněwom a hańbu začerwjeni. (Jurij Brězan, Stara Jančowa, Budyšin 1965)

Što tajki *pimplaty* wjesnjanosta wo tym wě, kajke ma džensniši dzeń šula problemy. (Jurij Koch, Mjez sydom mostami, Budyšin 1968)